



KABINET PREDSEDNIKA I POTPREDSJEDNIKA

Broj: 01-4-01-4-1262/21

Sarajevo, 06.12.2021.godine

**AGENCIJA ZA IDENTIFIKACIONE DOKUMENTE, EVIDENCIJU
I RAZMJENU PODATAKA BOSNE I HERCEGOVINE**

N/r g-din Arif Nanić, direktor

PREDMET: Mišljenje na Nacrt Pravilnika o cijeni obrazaca isprava o vozilu i cijeni obrazaca oznaka za obilježavanje vozila – *dostavlja se*

Poštovani,

Obavještavamo Vas da smo uvidom u objavu predmetnog Nacrta Pravilnika na web stranici e-konsultacije, proveli proceduru pribavljanja prijedloga i sugestija od članova Udruženja međunarodnih cestovnih prijevoznika tereta i Udruženja prijevoznika u međunarodnom i međuentitetskom cestovnom prijevozu putnika Vanjskotrgovinske komore Bosne i Hercegovine, te izvršili uvid u dokumentaciju i aktivnosti koje su se vodile i koje se trenutno vode u okviru nadležnosti Ministarstva komunikacija i transporta Bosne i Hercegovine, a tiču se uređivanja legislative iz oblasti registracije vozila u Bosni i Hercegovini.

Kako predloženi Nacrt Pravilnika tretira identična pitanja na identičan način o čemu se nedvosmisleno, negativnim Mišljenjem očitovala Vanjskotrgovinska komora Bosne i Hercegovine prema Ministarstvu komunikacija i transporta Bosne i Hercegovine (akta u prilogu), a na osnovu zaključaka odbora i skupština, kako Udruženja međunarodnih cestovnih prijevoznika tereta Vanjskotrgovinske komore Bosne i Hercegovine, tako i Udruženja prijevoznika u međunarodnom i međuentitetskom cestovnom prijevozu putnika Vanjskotrgovinske komore Bosne i Hercegovine, Mišljenje Vanjskotrgovinske komore Bosne i Hercegovine na predloženi Nacrt Pravilnika ne može ni biti drugačije nego **negativno**.

Na promjenu ovog Mišljenja, svakako bi utjecalo prihvatanje stavova udruženja da stiker naljepnica nije našla svrhu već više od deset godina, obzirom na postojanje međunarodno priznatog dokumenta – potvrda o registraciji, da je izvor nepotrebnih nesporazuma, te da, do njene eliminacije kroz izmjene zakonskih odredbi, u članu 4. stav 1. pod a) Nacrta Pravilnika mora umjesto navedenog iznosa stajati „bez naknade“. Također, u predmetnom Nacrtu Pravilnika potrebno je precizirati u članu 4. stav 1. pod b) i c) da li se naknada plaća svaki put prilikom registracije vozila ili samo prilikom preuzimanja registarskih tablica, jer je navedeno da se radi o naknadama „za izdavanje i korištenje“, kao i da li se radi o iznosu naknade po komadu ili po paru izdatih registarskih tablica.

Koristimo priliku podsjetiti Vas na član 7. Zakona o Vanjskotrgovinskoj komori Bosne i Hercegovine (Službeni glasnik BiH br: 30/01 i 72/13), kojim ste bili u obavezi dostaviti Komori na mišljenje predmetni






akt, a što u slučaju Nacrta Pravilnika o cijeni obrazaca isprava o vozilu i cijeni obrazaca oznaka za obilježavanje vozila nije ispoštovano.

Očekujući puno razumijevanje i uvažavanje Mišljenja Vanjskotrgovinske komore Bosne i Hercegovine, unaprijed Vam zahvaljujem i srdačno Vas pozdravljam.

S poštovanjem,



Prilozi:

- Akt Vanjskotrgovinske komore Bosne i Hercegovine, broj:01-4-03-3-444-3/20 od 01.06.2021.g.,
- Akt Vanjskotrgovinske komore Bosne i Hercegovine, broj:01-4-03-3-444-2/21 od 12.04.2021.g.,
- Akt Vanjskotrgovinske komore Bosne i Hercegovine, broj:01-4-03-3-708-3/20 od 08.06.2020.g.

Dostavljeno:

- Naslovu,
- Vijeću ministara Bosne i Hercegovine,
- a/a

